



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 29 de novembro de 2019**, adoptou o seguinte acordo:

14.- AMPLIACIÓN DO PRAZO DE XUSTIFICACIÓN DAS “SUBVENCÍONS PARA A ORGANIZACIÓN DE ACTOS SOCIAIS E ENCONTROS VECIÑAIS DE FOMENTO DA PARTICIPACIÓN CIDADÁ”. EXPTE. 8921/320.

Visto o informe de fiscalización de data 22/11/19, dáse conta do informe-proposta de data 22/11/19, asinado pola técnica de xestión, a xefa de Participación Cidadá (Resolución do 23/10/19), o concelleiro-delegado de Área e polo concelleiro-delegado de Orzamentos e Facenda, que di o seguinte:

ANTECEDENTES

Con data 5 de xullo de 2019, o concelleiro delegado da Área de Cultura, Emprego e Participación Cidadá, resolveu que polo Servizo de Participación Cidadá se iniciara a tramitación de expediente de “Bases reguladores das subvencións para a organización de actos sociais e encontros veciñais de fomento da participación cidadá”

A Xunta de Goberno Local, de data 7 de novembro de 2019 aprobou convocatoria, o extracto da mesma, e as bases reguladoras das “*SUBVENCÍONS PARA A ORGANIZACIÓN DE ACTOS SOCIAIS E ENCONTROS VECIÑAIS DE FOMENTO DA PARTICIPACIÓN CIDADÁ*”

O obxecto da de subvencións é:

1. Regular a concesión de axudas para a organización de actos sociais e encontros veciñais celebrados por entidades inscritas no Rexistro Municipal de Asociacións, nos epígrafes 1, 2, 3.2, 10.1 e 10.5, para o financiamento dos gastos derivados de servizos de montaxe e desmontaxe de carpas, instalacións cubertas ou estruturas mobles similares, dentro período comprendido entre o **1 de xaneiro ata o 11 de novembro** do presente exercicio, no termo municipal de Vigo.
2. Colaborar no financiamento das entidades beneficiarias, para facilitar o cumprimento dos seus fins e o desenvolvemento das súas actividades que sexan abertas ao público xeral, de libre acceso e gratuito e que se realicen en espazos abertos.
3. Garantir o efectivo desenvolvemento das actividades programadas de carácter social, cultural, e festivo en consideración ás posibles condicións meteorolóxicas adversas que puideran afectar, impedir ou menoscabar a súa celebración.

Trala publicación do extracto da convocatoria no Boletín Oficial da Provincia de Pontevedra, de data 21/11/2019 (BOP núm. 224), se iniciou o prazo de 10 días naturais para a presentación de solicitudes de subvención, o cal remata o vindeiro 2 de decembro.



Copia do documento - Concello de Vigo	Data impresión: 25/04/2024 22:33	Páxina 1 de 3
SUBVENCIONS	CSV: AHAC42-55ED89-81ABC1-63S3CW-UADGS5-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Segundo o disposto nas base 13ª da convocatoria, o prazo máximo para a xustificación das axudas finaliza o 29 de novembro de 2019.

FUNDAMENTOS XURÍDICOS

1. MODIFICACIÓN DO PRAZO DE XUSTIFICACIÓN DAS AXUDAS

Debido á imposibilidade material de dar cumprimento ao disposto na Base 13 segundo a cal , o prazo de xustificación das subvencións remata con data 29 de novembro de 2019, é dicir, con anterioridade á finalización do prazo de presentación de solicitudes, e co obxecto de evitar prexuízos ás entidades interesadas, e en aras de garantir o principio de seguridade xurídica, debe procederse á modificación do devandito prazo, xa que, do contrario, as bases devirían nun acto de contido imposible.

En atención ás consideracións expostas, se propón, a ampliación do prazo de xustificación das subvencións previsto nas bases da convocatoria, mantendo inalteradas as restantes normas reguladoras das ditas axudas.

Deste xeito, onde di: o prazo máximo para a xustificación das mesmas finaliza o 29 de novembro de 2019, debera dicir: o prazo máximo para a xustificación das mesmas finaliza o 16 de decembro de 2019

2. RESOLUCIÓN E RÉXIME DE RECURSOS

De conformidade co disposto no artigo art. 52.2.a) de la Lei 7/85, de 2 de abril, Reguladora das Bases do Réxime Local (LRBRL), e o 210.a) do Regulamento de Organización, Funcionamento e Réxime Xurídico das Entidades Locais, aprobado por RD 2568/86, de 28 de novembro, poñen fin á vía administrativa, as resolucións do Pleno, Alcaldes e Xunta de Goberno Local.

Segundo os arts. 123 e 124 da Lei 39/2015, da LPAC, os actos administrativos que poñen fin a vía administrativa, poden ser recorridos potestativamente en reposición ante o mesmo órgano que os ditou no prazo dun mes, se o acto fora expreso ou, se non o fora, de tres meses, ou ben directamente ante a xurisdición contencioso-administrativa (art. 8.1 LRXCA). Contra a resolución do recurso de reposición non se poderá interpor de novo este recurso, senón que procederá interpor recurso contencioso administrativo, no prazo de dous meses establecido no art. 46.1 da Lei 29/98, de 13 de xullo, Reguladora da Xurisdición Contencioso Administrativo (LRXCA), que comezará a contar a partir do día seguinte a aquel en que se notifique a resolución expresa do recurso de reposición ou en que este deba entenderse presuntamente desestimado.

Á vista do anteriormente exposto, propónse á Xunta de Goberno Local, a adopción do seguinte

ACORDO:

PRIMEIRO.- AMPLIAR o prazo de xustificación das axudas previsto na Base 13ª reguladora das “SUBVENCIONS PARA A ORGANIZACIÓN DE ACTOS SOCIAIS E ENCONTROS VECIÑAIS DE FOMENTO DA PARTICIPACIÓN CIDADÁ”, modificando o texto do primeiro parágrafo co seguinte tenor literal:

- “As entidades beneficiarias das subvencións quedan obrigadas a xustificar documentalmente o cumprimento das condicións impostas e da aplicación dos fondos recibidos. **O prazo máximo para a xustificación das mesmas finaliza o 16 de decembro de 2019**” (...)



Copia do documento - Concello de Vigo	Data impresión: 25/04/2024 22:33	Páxina 2 de 3
SUBVENCIONS	CSV: AHAC42-55ED89-81ABC1-63S3CW-UADGS5-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

SEGUNDO.- PUBLICAR, unha vez aprobada, a ampliación do prazo de xustificación das axudas previsto na Base 13ª reguladora das “*Subvencións para a organización de actos sociais e encontros veciñais de fomento da participación cidadá*” na Base de Datos Nacional de Subvencións (BDNS), BOP, portal de transparencia e na páxina web do Concello de Vigo (www.vigo.org), conforme ao art. 14.1 da LSG.

TERCEIRO.- RECURSOS: contra o presente acordo poderán os/as interesados/as interpoñer recurso de reposición ante o órgano que a dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte ao da súa publicación, de conformidade cos arts. 123 e 124 da Lei 39/2015, da LPAC e arts. 8.1 e 46.1 da Lei 29/1998, RXCA. Non se poderá interpoñer recurso contencioso-administrativo ata que sexa resolto expresamente o recurso de reposición interposto ou se produza a súa desestimación presunta polo transcurso do prazo dun mes sen dital e notificar a resolución.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 25/04/2024 22:33	Páxina 3 de 3
SUBVENCIONS	CSV: AHAC42-55ED89-81ABC1-63S3CW-UADGS5-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		